

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ՀԱՄԱՆՄԱՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2022/58, 25.04.2022թ.

**Բողոք բերող անձ՝** «Աննարկա» ՍՊԸ

**Պատվիրատու՝** ՀՀ առողջապահության նախարարություն

**Գնման ընթացակարգի ծածկագիրը՝** «ՀՀ ԱՆ ՄԱԱՊՁԲ-2022/21»

**Գնման առարկան՝** բժշկական նշանակության ապրանքների ձեռքբերում

**Բողոքի պահանջը՝** պարտավորեցնել «ՀՀ ԱՆ ՄԱԱՊՁԲ-2022/21» ծածկագրերով գնման ընթացակարգի գնահատող հանձնաժողովին՝

1. մերժել «Դիավանտ» ՍՊԸ-ի հայտը և փոփոխել 2-րդ չափաբաժնով «Դիավանտ» ՍՊԸ-ին հաղթող ճանաչելու մասին որոշումը,
2. 2-րդ չափաբաժնով 2-րդ տեղ զբաղեցրած մասնակից «ՍԻՈՒՆ» ՍՊԸ-ին ներկայացնել պահանջվող բոլոր փաստաթղթերը,
3. 2-րդ չափաբաժնով 2-րդ տեղ զբաղեցրած մասնակից «ՍԻՈՒՆ» ՍՊԸ-ի կողմից հայտով պահանջվող փաստաթղթերի բացակայության դեպքում հայտը մերժել և ընտրված մասնակից ճանաչել 3-րդ տեղ զբաղեցրած մասնակից «Աննարկա» ՍՊԸ-ին:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Ֆ. ՄԱՆԳՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



ՀՀ գնումների հետ կապված բողոքների քննող անձին  
Ք. Երևան, Մելիք Ադամյան փող 1  
Էլ փոստ՝ [secretariat@minfin.am](mailto:secretariat@minfin.am)

Բողոք ներկայացնող՝ «ԱՆՆԱՐԿԱ» ՍՊԸ  
Իրավաբանական հասցե՝ 0070 ք. Երևան, Քաջազունու 11/23  
Էլ. փոստ՝ [yesargsyan@yahoo.com](mailto:yesargsyan@yahoo.com)  
Հեռ. +374 96 628994

Պատվիրատու՝ ՀՀ Առողջապահության նախարարություն  
Հասցե՝ ք. Երևան, Կառավարական տուն 3

Գնման ընթացակարգի ծածկագիրը և առարկան՝  
ՀՀ ԱՆ ՄԱԱՊՁԲ-2022/21  
Բժշկական նշանակության ապրանքների ձեռքբերում

ԲՈՂՈՔ

1. ԿԵՃԻ ԱՌԱՐԿԱՆ ՓԱՍՏԵՐ ԱՊԱՑՈՒՅՑՆԵՐ ԵՎ ՊԱՀԱՆՁ


1.1 ՀՀ Առողջապահության նախարարությունը (այսուհետ՝ Պատվիրատու) բժշկական նշանակության ապրանքների ձեռքբերման նպատակով հայտարարել է ՀՀ ԱՆ ԷԱՃԱՊՁԲ-2022/6 ծածկագրով էլեկտրոնային աճուրդ, որը հրապարակվել է 10.12.2021 թ.-ին [eauctions.armeps.am](http://eauctions.armeps.am) համակարգում:

1-ին չափաբաժնի մասով մասնակցել էին Արթուր Զիլինգարյան ֆիզիկական անձը, «ԱրՄեդտեխնիկա» ՍՊ, «Պրոֆտեստ» ՍՊ, «Կոնցեռն-Էներգումաշ» ՓԲ և «ԱՆՆԱՐԿԱ» ՍՊ ընկերությունները:

2-րդ չափաբաժնի մասով մասնակցել էին Արթուր Զիլինգարյան ֆիզիկական անձը, «ԱրՄեդտեխնիկա» ՍՊ, «Պրոֆտեստ» ՍՊ, «ՄԻՈՒՆ» ՍՊ, «Մարզ Ֆարմացիա» ՍՊ, «Կոնցեռն-Էներգումաշ» ՓԲ և «ԱՆՆԱՐԿԱ» ՍՊ ընկերությունները:

Հակադարձ աճուրդի բացվելուց հետո 1-ին և 2-րդ չափաբաժիններով հաղթող էր ճանաչվել Արթուր Զիլինգարյան ֆիզիկական անձը:

Հարկ եմ համարում նշել, որ 1-ին և 2-րդ չափաբաժիններով «Aquilion Lightning, Canon Medical Systems» և «GXR-82SD Premium, DrGEM Corp.» ֆիրմային անվանումները առաջարկված են եղել «Կոնցեռն-Էներգումաշ» ՓԲԸ-ն կողմից:



Պատվիրատուն առաջարկեց Արթուր Չիլինգարյան ֆիզիկական անձին շտկել հայտերում տեղ գտած անհամապատասխանությունները, ինչը որ Արթուր Չիլինգարյան ֆիզիկական անձը չի շտկել:

Արդյունքում ՀՀ ԱՆ ԷԱՃԱՊՁԲ-2022/6 ծածկագրով էլեկտրոնային աճուրդը 29.12.2021թ. հայտարարվեց չկայացած 1-ին և 2-րդ չափաբաժիններով, քանի որ Արթուր Չիլինգարյան ֆիզիկական անձը չշտկեց անհամապատասխանությունները /Կցված է /:

1.2. Պատվիրատուն բժշկական նշանակության ապրանքների ձեռքբերման նպատակով հայտարարել է ՀՀ ԱՆ ԷԱՃԱՊՁԲ-2022/16 ծածկագրով էլեկտրոնային աճուրդ, որը հրապարակվել է 22.02.2022 թ. -ին eauctions.armeps.am համակարգում:

1-ին չափաբաժնի մասով մասնակցել էին Հրաչիկ Եղիազարյան ֆիզիկական անձը, <<Մեդտեխնիկա պլյուս>> ՓԲ, <<ԱրտՍտանդարտ>> ՍՊ, <<ՍԱՎ ԳՐՈՒՊ>> ՍՊ, <<Դիավանտ>> ՍՊ և <<ԱՆՆԱՐԿԱ>> ՍՊ ընկերությունները:

2-րդ չափաբաժնի մասով մասնակցել էին Հրաչիկ Եղիազարյան ֆիզիկական անձը, <<Դիավանտ>> ՍՊ, <<ՍԻՈՒՆ>> ՍՊ և <<ԱՆՆԱՐԿԱ>> ՍՊ ընկերությունները:

Հարկ եմ համարում նշել, որ 1-ին և 2-րդ չափաբաժիններով <<Aquilion Lightning, Canon Medical Systems>> և <<GXR-82SD Premium, DrGEM Corp.>> ֆիրմային անվանումները այս անգամ առաջարկված են եղել արդեն <<Դիավանտ>> ՍՊԸ-ի կողմից:

Հակադարձ աճուրդի բացվելուց հետո նախահաշվարկային գինը գերազանցելու հիմքով 1-ին չափաբաժնի մասով մերժվեցին Հրաչիկ Եղիազարյան ֆիզիկական անձը և <<ՍԱՎ ԳՐՈՒՊ>> ՍՊԸ-ն, իսկ 2-րդ չափաբաժնով՝ <<ՍԻՈՒՆ>> ՍՊ և <<ԱՆՆԱՐԿԱ>> ՍՊ ընկերությունները:

Պատվիրատուն առաջարկեց Հրաչիկ Եղիազարյան ֆիզիկական անձին և <<Մեդտեխնիկա պլյուս>> ՓԲԸ-ին շտկել հայտերում տեղ գտած անհամապատասխանատվությունները: Արդյունքում Հրաչիկ Եղիազարյան ֆիզիկական անձը չի շտկել, իսկ <<Մեդտեխնիկա պլյուս>> ՓԲԸ-ը շտկել է:

Արդյունքում ՀՀ ԱՆ ԷԱՃԱՊՁԲ-2022/16 ծածկագրով էլեկտրոնային աճուրդը 21.03.2022թ. հայտարարվեց չկայացած, քանի որ Հրաչիկ Եղիազարյան ֆիզիկական անձը չշտկեց անհամապատասխանությունը, իսկ <<Մեդտեխնիկա պլյուս>> ՓԲԸ-ի կողմից շտկված հայտը գնահատվեց անբավարար /Կցված է /:

1.3. 04.04.2022 թ. ժամը 12:53 Պատվիրատուի աշխատակցի էլեկտրոնային հասցեից (m.hambardzumyan@moh.am) ստացանք բանակցությունների մասնակցության հրավեր հետևյալ տեքստով (ներկայացված է ստորև)

**Օր:** "Mihran Hambardzumyan" <m.hambardzumyan@moh.am>  
**Дата:** 4 апреля 2022 г., 12:53:00 GMT+4  
**Кому:** "SIUN Medical Equipment & Services" <siunllc@gmail.com>, <yesargsyan@yahoo.com>, <lawyer@diavant.am>  
**Копия:** <h.harutyunyan@moh.am>, <hmnatsakanyan@moh.am>, "Artur Gevorgyan"  
<artur.gevorgyan7078@gmail.com>  
**Тема:** Գների նվազեցման շուրջ միաժամանակյա բանակցություններ

Հարգելի գործընկերներ,

Տեղեկացում եմ, որ ՀՀ առողջապահության նախարարության կողմից կազմակերպված ՀՀ ԱՆ ԷԱՃԱՊՁԲ-2022/16 ծածկագրով գնման ընթացակարգի շրջանակներում ձեր կազմակերպությունների կողմից ներկայացվել էին հայտեր:

Նշեմ նաև, որ ձեր կազմակերպությունների կողմից ներկայացված հայտերը համապատասխանում են հրավերի պահանջներին:

Հաշվի առնելով վերոգրյալը և հնարավոր մեկ անձից գնման գործընթացը՝ սույն թվականի ապրիլի 5-ին ժամը 17:00-ին ՀՀ առողջապահության նախարարությունում տեղի են ունենալու գների նվազեցման շուրջ բանակցություններ:

Խնդրում եմ ներկա գտնվել բանակցությունների նիստին: Կազմակերպությունների ներկայացուցիչները պետք է իրենց մոտ ունենան համապատասխան լիազորագիր և անձնագիր:

Շնորհակալություն համագործակցության համար:

Հարգանքով՝

Միհրան Համբարձումյան

Փեռ 060 80-80-03 (2703)

05.04.2022 թ. բանակցությանը 1-ին չափաբաժնի մասով մասնակցել էին <<Դիավանտ>> ՍՊ և <<ԱՆՆԱՐԿԱ>> ՍՊ ընկերությունները, իսկ 2-րդ չափաբաժնի մասով մասնակցել էին <<Դիավանտ>> ՍՊ, <<ՍԻՈԻՆ>> ՍՊ և <<ԱՆՆԱՐԿԱ>> ՍՊ ընկերությունները:

Նշենք միայն, որ բանակցային գները սահմանվել են ՀՀ ԱՆ ԷԱՃԱՊՁԲ-2022/16 ծածկագրով հակադարձ աճուրդի ժամանակ ներկայացված վերջնական գները:

Բանակցությունների արդյունքում 1-ին չափաբաժնով հաղթող է ճանաչվել <<ԱՆՆԱՐԿԱ>> ՍՊԸ-ը, իսկ 2-րդ չափաբաժնով հաղթող է ճանաչվել <<Դիավանտ>> ՍՊԸ-ը:

<<Դիավանտ>> ՍՊԸ-ի կողմից ներկայացված և բավարար գնահատված տեխնիկական բնութագրում նշված է՝ <<Արհեստական բանակառության (AI) հատուկ մոդուլի առկայություն, մինչև 12 տարբեր տեսակի պնևմոնիկաների ավտոմատ հայտնաբերման ֆունկցիայով>> պահանջը: Այնինչ DrGEM արտադրողի տեխնիկական տվյալների պաշտոնական և բոլորին հասանելի բրոշյուրում և WEB կայքում բացակայում են որևիցե հղումներ կամ տեղեկություններ այս տեսակի մոդուլի առկայության մասին:

## 2. ԲՈՂՈՔԻ ԻՐԱՎԱԿԱՆ ՀԻՍՔԵՐԸ

2.1 <<Գնումների մասին>> Օրենքի 34-րդ հոդվածի 1-ին, 2-րդ մասի <<Ա>> ենթակետի, 5-րդ մասի <<Ա>> և <<Բ>> ենթակետերի, 6-րդ և 7-րդ մասերի համաձայն՝ <<Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են>>

2. Առաջին տեղը զբաղեցրած մասնակիցը որոշվում է՝

ա) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

5. Առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝

ա) առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

բ) հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին, և հրավերով սահմանված դեպքերում ու կարգով գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը:

6. Հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

7. Սույն հոդվածի 6-րդ մասի համաձայն՝ գնահատման արդյունքում հայտը անբավարար գնահատվելու դեպքում հանձնաժողովը փաստաթղթերը ներկայացնելու պահանջ է առաջադրում հաջորդ տեղը զբաղեցրած մասնակցին:

Նույն օրենքի 40-րդ հոդվածի 3-րդ մասի համաձայն

Էլեկտրոնային աճուրդի կիրառման դեպքում հրավերը ներառում է նաև հետևյալ պայմանները.

1) ներկայացվելիք առաջարկների սահմանափակումները, որոնք բխում են գնման առարկայի բնութագրից.

2) էլեկտրոնային աճուրդի ընթացքում մասնակիցներին տրամադրվելիք տեղեկությունները և այդ տեղեկությունները նրանց տրամադրելու պայմանները.

3) էլեկտրոնային աճուրդի գործընթացին վերաբերող էական նշանակության տեղեկությունները.

4) մասնակիցների կողմից հայտեր ներկայացնելու պայմանները: Ընդ որում, մասնակիցը գնումներին մասնակցելու իր իրավունքը և հրավերով նախատեսված որակավորման չափանիշներին համապատասխանությունը հիմնավորելու համար հայտով ներկայացնում է իր հաստատած հայտարարությունը, պայմանով, որ մասնակիցը պարտավորվում է սույն օրենքով նախատեսված դեպքերում և կարգով ներկայացնել հայտարարությունը հիմնավորող՝ հրավերով նախատեսված փաստաթղթերը (տեղեկությունները):

### **3. ԲՈՂՈՔԻ ՓԱՍՏԱԿԱՆ ՀԻՍՔԵՐԸ ԵՎ ՀԻՄՆԱՎՈՐՈՒՄՆԵՐԸ**

3.1 Գնման ընթացակարգի 2-րդ չափաբաժնով գնման առարկա հանդիսացող Թվային ստացիոնար ռենտգենոգրաֆիկ համակարգ - երկու թվային դետեկտորով ապրանքի համար տեխնիկական բնութագրով նախատեսված է որակի գնահատման պահանջ CE Mark (Directive 93/42/EEC) կամ FDA վկայականի առկայություն: <<Դիավանտ>> ՄՊԸ-ի կողմից առաջարկվող տեխնիկական բնութագրով ապրանքը չի համապատասխանում նախկինում հայտարարված երկու էլեկտրոնային գնման ընթացակարգերի հրավերի և մեկ անձով հայտարարված գնման ընթացակարգի հրավերի պահանջներին: Մասնավորապես ՀՀ ԱՆ ԷԱՃԱՊՁԲ-2022/6, ՀՀ ԱՆ ԷԱՃԱՊՁԲ-2022/16 և ՀՀ ԱՆ ՄԱԱՊՁԲ-2022/21 ծածկագրով գնման ընթացակարգերի հրավերներում նշված <<Արհեստական բանականության (AI) հատուկ մոդուլի առկայություն, մինչև 12 տարբեր տեսակի պնևմոնիաների ավտոմատ հայտնաբերման ֆունկցիայով>> պահանջին: <<Դիավանտ>> ՄՊԸ-ն իր կողմից ներկայացված հայտի տեխնիկական բնութագրում նշվել է այդ պայմանը: Սակայն փաստացի սարքը չունի այդ հնարավորությունը: Այսինքն, իրականում, <<Դիավանտ>> ՄՊԸ-ի ներկայացրած տեխնիկական բնութագրով առաջարկված սարքը չունի այդ հնարավորությունը և այդ մոդուլը նույնիսկ չի անցել կլինիկական հետազոտություններ և չունի FDA կամ CE վկայականներ, այդ վկայականները չեն ներկայացվել գնահատող հանձնաժողովին, ինչը հստակ հրավերի պահանջի խախտում է հանդիսանում և վկայականի բացակայությունը հիմք է հանդիսանում հայտը որակավորման պահանջի անբավարար ճանաչելու և հայտը մերժելու համար:

Որպես ապացույց ներկայացնում ենք DrGEM GXR-SD սարքի FDA (Summary of Safety) սերտիֆիկատը (կից ներկայացվում է), որում բացակայում է DrGEM (AI) հատուկ մոդուլը, այսինքն հատուկ մոդուլը չի անցել կլինիկական հետազոտություն և բացակայում է նրա CE Mark (Directive 93/42/EEC) կամ FDA վկայականը:

Հաշվի առնելով վերոգրյալը՝ գտնում ենք, որ Գնահատող Հանձնաժողովը պատշաճ կերպով չի գնահատել <<Դիավանտ>> ՄՊԸ-ի կողմից ներկայացված առաջարկվող ապրանքի ամբողջական նկարագրի (տեխնիկական բնութագրի) հիմնավորվածությունը, ինչի արդյունքում եկել է սխալ եզրահանգման:

Ելնելով վերը նշվածից և հիմք ընդունելով նաև Օրենքի 50-րդ հոդվածը, մասնավորապես 7-րդ մասի 1-ին կետի <<Բ>> ենթակետը, գնումների հետ կապված քննող անձին

### **ԽՆԴՈՒՄ ԵՆՔ**

1. Պարտավորեցնել Պատվիրատու ՀՀ առողջապահության նախարարության ՀՀ ԱՆ ՄԱԱՊՁԲ-2022/21 ծածկագրով Գնահատող հանձնաժողովին մեկ անձից գնման ընթացակարգի շրջանակներում ՄԵՐԺԵԼ <<Դիավանտ>> ՄՊԸ-ի կողմից ներկայացված հայտը և փոփոխել 2-րդ չափաբաժնով <<Դիավանտ>> ՄՊԸ-ին հաղթող ճանաչելու մասին գնահատող հանձնաժողովի որոշումը տեխնիկական բնութագրի հրավերին անհամապատասխանության հիմքով:

2. Պարտավորեցնել գնահատող հանձնաժողովին ՀՀ ԱՆ ՄԱԱՊՁԲ-2022/21 ծածկագրով մեկ անձից գնման ընթացակարգի շրջանակներում 2-րդ չափաբաժնով 2-րդ տեղը զբաղեցրած մասնակցին՝ <<ՄԻՈՒՆ>> ՄՊԸ-ին, ներկայացնել պահանջվող բոլոր փաստաթղթերը:

3. Պարտավորեցնել գնահատող հանձնաժողովին ՀՀ ԱՆ ՄԱԱՊՁԲ-2022/21 ծածկագրով մեկ անձից գնման ընթացակարգի շրջանակներում 2-րդ չափաբաժնով <<ՄԻՈՒՆ>> ՄՊԸ-ի կողմից հայտի փաստաթղթերի բացակայության դեպքում հայտը ՄԵՐԺԵԼ, և ընտրված մասնակից ճանաչել 3-րդ տեղը զբաղեցրած մասնակցին <<ԱՆՆԱՐԿԱ>> ՄՊԸ-ին:

ՄԻՋՆՈՐԴՈՒԹՅՈՒՆ

(«Գնումների մասին» ՀՀ Օրենքի 50-րդ հոդվածի 2-րդ մասի համաձայն գնման ընդացակարգը չկասեցնելու մասին)

Գնման առարկա հանդիսացող ապրանքների մասով ՀՀ Առողջապահության Նախարարությունը արդեն 3 (երեք) անգամ մրցույթ է հայտարարել, որոնցից 2 (երկու) էլեկտրոնային աճուրդ ընթացակարգով մրցույթները չեն կայացել: Սույն գնման գործընթացի նպատակն է Հայաստանի Հանրապետության մարզերի բուժ հաստատություններին մատակարարել բժշկական սարքավորումներ: Հաշվի առնելով սույն գնման գործընթացը, կարող ենք եզրակացնել, որ այն շոշափում է հանրային շահեր: Իսկ նախկինում 2 (երկու) անգամ չկայացած գնման գործընթացները մեծացնում են գնման առարկա բժշկական սարքավորումների անհրաժեշտությունը և հրատապությունը:

Հիմք ընդունելով վերընշվածը և ղեկավարվելով «Գնումների մասին» ՀՀ Օրենքի 50-րդ հոդվածի 2-րդ մասով՝

ՄԻՋՆՈՐԴՈՒՄ ԵՄ

1. Կասեցումից հանել գնման ընթացակարգը 1-ին չափաբաժինը և Պատվիրատուից պահանջել ներկայացնել համապատասխան հիմնավորումներ առ այն, որ սույն գնման գործընթացը շոշափում է հանրային շահեր:

Կից ներկայացվում են՝

1. «ԱՆՆԱՐԿԱ» ՍՊԸ-ի պետական ռեզիստրի վկայականի պատճեն
2. «ԱՆՆԱՐԿԱ» ՍՊԸ-ի տնօրենի անձը հաստատող փաստաթղթի պատճեն
3. Պետական տուրքի վճարման անդորրագիրը
4. DrGEM արտադրողի տեխնիկական տվյալների պաշտոնական և բոլորին հասանելի բրոշուրը
5. FDA կողմից տրված DrGEM GXR-SD սարքավորման (Summary of Safety) սերտիֆիկատը
6. DrGEM GXR-SD սարքավորման շահագործման ձեռնարկի պատճենը:
7. ՀՀ ԱՆ ԷԱՃԱՊՁԲ-2022/6 ծածկագրով էլեկտրոնային աճուրդը 1-ին և 2-րդ չափաբաժիններով չկայացած հայտարարելու մասին 29.12.2021թ. արձանագրությունը
8. ՀՀ ԱՆ ԷԱՃԱՊՁԲ-2022/16 ծածկագրով էլեկտրոնային աճուրդը չկայացած հայտարարելու մասին 21.03.2022 թ արձանագրությունը:
9. ՀՀ ԱՆ ՄԱԱՊՁԲ – 2022/21 ծածկագրով մեկ անձից գնման 07.04.2022թ. արձանագրությունը:
10. Միջնորդություն՝ «Գնումների մասին» ՀՀ Օրենքի 50-րդ հոդվածի 2-րդ մասի համաձայն գնման գործընթացը չկասեցնելու մասին:

Հարգանքով՝

Լիլիթ Փնջոյան  «ԱՆՆԱՐԿԱ» ՍՊԸ Տնօրեն

25.04.2022թ.

